

天中遊至虛妙歸三元福貴本始道實其玄
字皆廣長一丈天真人音書其文以為正
音有知其音能齋而誦之者諸天皆遣飛天
神王下觀其身書其功勤上奏諸天萬神朝
禮地祇侍門大成真王保舉本真道備刻得
遊行三界昇入金門此音無所不辟無所不
覆無所不度無所不成天真自然之音也故
誦之致神王下觀上帝遙唱萬神朝禮三界
侍軒群杖束首鬼神自亡琳琅振響十方肅
滑河海靜默山嶽吞煙萬靈振伏召集群仙
天無氛穢地無秋塵冥慧洞清大量玄女也

元始无量度人上品妙經卷之十七

靈寶无量度人上品妙經卷之十八 地八

素景曜靈品

道言昔於元洞天中慶霞流音太空化土受
元始度人素景曜靈无量上品元始天尊當
說是經周迴十過以召十方始當詣座天真
大神上聖高尊妙行人西華玉妃四極真
王黃素元君飛天騎吏仙官主宰無執數衆
乘空而來白雲綠霞羽駕颯與華蓋浮晨珠
璧交光五色鬱勃洞煥太空九日夜詣天
日官月府星闕長樓元斗停機三道平周剛
風鎮靜崑崙收雲地浮五瑞天開八門境土
山川城廓林木緬平一等無復高下土皆變
瓊瑤無有異色衆真侍座元始天尊玄坐空
浮萬葉寶蓮之上說經一徧諸天大神同時
稱善是時一國男女仰聽法音神識開悟說
經二徧靈府虛明說經三徧默昇玄妙說經
四徧真炁灌身萬疾皆愈說經五徧體合正
道衆慈消摧說經六徧三十二天發見真文
說經七徧九天玉境四極玄宮三洞寶經昭
然徹見說經八徧真羅之下太空之中一切

音聲皆參大範說經九徧九色妙光下燭幽
夜普救北鄴受苦罪魂說經十徧十方萬類
遂性道運是時一國是男是女莫不傾心皆
受護度咸得長生

道言是時元始天尊說經一徧東方无極无
量品華林大神無執之衆浮空而至說經二
徧南方无極无量品赤文大神無執之衆浮
空而至說經三徧西方无極无量品帝符大
神無執之衆浮空而至說經四徧北方无極
无量品元景大神無執之衆浮空而至說經
五徧東北无極无量品青精大神無執之衆
浮空而至說經六徧東南无極无量品圓珠
大神無執之衆浮空而至說經七徧西南無
極无量品廣寶大神無執之衆浮空而至說
經八徧西北无極无量品金華大神無執之
衆浮空而至說經九徧上方无極无量品紫
霄大神無執之衆浮空而至說經十徧下方
无極无量品靈都大神無執之衆浮空而至
十徧周竟十方九極天真大神一時同至一
國男女傾心歸仰欣聞元始宣說素景曜靈

之法外生天地結成混沌內生萬物變為欲
 潰皆由无形五行具金之性虛明同力不可
 破壞至生人神知見悲喜率因素景不聚之
 剛耀靈明察之體而以為之物有堅脆其成
 為一人有聖凡其知為一我等雖懷此金未
 經冶炼今遇元始以此法大鑿此神金鑄為
 法器成此道力无量變化作是說已欣樂再
 拜旋遶座側來者有知細雨密霧無執之衆
 逆國一半土皆偏陷非可禁止於是元始懸
 一寶珠大如黍米在空玄之中去地七丈元
 始登引天真大神上聖高真妙行真人十方
 无極素景耀靈至真大神無數衆俱入寶
 珠之中天人仰看惟見勃勃從珠口中入既
 歛陷元始即於寶珠之內說經都竟衆真監
 度以授於我當此之時喜慶難言法事粗悉
 諸天復位修歛之間寂無遺響是時天人遇
 值經法普得濟度全其本年無有中傷傾土
 歸仰咸知微妙無執無滯無想無結無愛無
 憎無苦無惱無敗無虧心行正道言合天機

齊同慈愛異骨成親國土康安永慶太平經
 始出教一國以道預有至心宗奉禮敬皆得
 度世
 道言元始天尊說經中所言並是諸天上帝
 內名隱韻之音亦是真玉內諱百靈之隱名
 也開示道妙無形五行先天地生同寓一炁
 浩劫不分內有神金素景耀靈外成諸天內
 為真神剛堅無壞萬物仰成爾能知之可以
 長存非世之常辭上聖已成真人能悉其章
 誦之十過諸天遙唱高帝設禮河海靜照山
 嶽藏雲金輪停景玉瓊不行浩浩太空飛度
 生門弄為至剛虛為至藏大不可圍廣不可
 量金光素景耀靈無方堅凝流行得道之強
 群魔東形鬼精滅真回屍起死白骨成人至
 學之士誦之十過則金門校仙真錄奉玄五
 帝侍衛三界稽首魔精喪眼鬼林滅毒濟度
 垂死絕而得生所以爾者學士穢氣未消體
 未洞真神金未堅遇火則鎔素景未潔耀靈
 昏昧召制十方威未制天政德可伏御地祇
 束縛魔靈但却死而已不能更生輕誦此章

身則被殃供養專禮門戶與隆世世昌熾與
 善因緣萬災不干神明護門斯經專妙獨以
 玉京度人无量為萬道之宗魏魏大範德難
 可勝
 道言凡誦是經十過素靈神金不散至靈耀
 魄長存陰關自開諸天齊到億曾萬祖幽魂
 苦莫皆即受度上升朱官格皆九年受化更
 生得為貴人而好學至經功滿德就皆得神
 仙飛昇金闕遊宴玉京也上學之士修誦是
 經素靈合性空體至神金身得道栖泊上清
 皆得受度飛昇南宮世人受誦真一守身金
 德不朽業火不焚則延壽長年後皆得作尸
 解之道魂神暫滅不經地獄即得返形遊行
 太空此經微妙普度無窮一切天人莫不受
 慶无量之福生死蒙惠上天所寶不傳下世
 至士齋金寶放心盟天而傳輕泄漏慢殃及
 九祖長役冥官侍經五帝玉童玉女各二十
 四人營衛神文保護受經者身
 道言正月長齋誦詠是經木表金胎五藏生
 春枯朽老敗得新長生為上世亡魂斷地遠

役度上南宮七月長齋誦詠是經耀景金津神威內冥百關堅疆淵池滄靈身得神仙誥天書名黃錄白簡削死上生十月長齋誦詠是經水得其金結為聖胎天地一塵至妙至玄爾能行之變化飛仙為國王帝主君臣父子安鎮國祚保天長存世世不絕長為人君安鎮其方民稱太平八節之日誦詠是經水火土木併蝕於金永固其神得為九宮真人本命之日誦詠是經太一下臨素景耀靈時子三魂左三右七役使無停魂神澄正萬劫長存不經苦惱身有光明三界侍衛五帝司迎萬神朝禮名書上天功滿德就飛昇上清道言行道之日皆當香湯沐浴齋戒入室東向叩齒三十二過上聞三十二天心拜三十二過閉目靜思身坐青黃白三色雲赤之中內外著實有青龍白虎朱雀玄武獅子白鶴羅列左右素景耀靈之炁見如皎月輝輝頂上月月照明洞煥室內項生圓象光映十方如此分明靈呪曰

无上玄元太上道君召出臣身中三五功曹

左右官使者侍香玉童傳言丑女五帝真符直日香官各三十二人闕啓所言今日吉慶長壽清堂修行至經无量度人願所啓上徹徑御

无上三十二天元始上帝至尊凡前早

引系三十二過東向誦經

元始无量度人上品妙經

元始洞玄靈寶本章素景耀靈上品妙旨開天度人虛皇隱韻混合自然大洞元金空玄至真堅剛明決神化彌綸不壞無染變境高清包含太虛內生九元無形真妙道性靈玄元皇布赤聲主諸天剛風內鼓素耀外旋至陽煥質梵炁流泉結為大器二氣乃分開明素景是為靈根上無復祖惟道為身耀華流結普植神靈无上玉篇安鎮丹城無文不光無文不明無文不立無文不成無文不度無

文不生是為大梵天中之天靈羅華金闕瓊山上極玄上大赤清源眇眇浩劫若亡若存三輝希室大有黃庭璣刃朱宮天真玉房太素化赤同徧十方中有素景耀靈之真中有南極九玄之君中有度世皇老大神中有太實成妙真人中有紫庭真帝元素道君中有南昌定命司變主錄運化保鎮專神回骸起死无量度人今日校錄諸天臨軒

東方无極華林神王長生大聖无量度人
南方无極赤文神王長生大聖无量度人
西方无極帝符神王長生大聖无量度人
北方无極元景神王長生大聖无量度人
東北无極青精神王長生大聖无量度人
東南无極圓珠神王長生大聖无量度人
西南无極廣靈神王長生大聖无量度人
西北无極金華神王長生大聖无量度人
上方无極紫霄神王長生大聖无量度人
下方无極靈都神王長生大聖无量度人
十方素景耀靈神王長生度世无量大神並乘層雲金霄八景之華玉輿羽翮素蓋飛輪

驂駕九光神虎玄甲蒼龍建流金之節探靈
 大樽前列太玄寶仗後從三天化兵白鳳麒麟
 嘯歌嘯嘯七耀啓塗三具翼轅儀乘萬騎
 浮空而來傾光回駕召靈度生西崑上空瑤
 闕高仙九微太妙黃景元君執符把籙齊到
 帝前原兆生胎稟道以來業識念想纏恩僥
 冤汨亂素境耀靈醫神光正性曠劫冥頑
 元始洞火冶鍊純堅金華變體當為真人粗
 辱致敗遂愛敬分隨所應度嚴校神靈普告
 洞淵无極名山泉沙之嶽北闕寒庭神州五
 鎮十二溪源三河四瀆溟海咸池疾除罪簿
 落滅惡根不得留滯急縱魔群元始開化隨
 運升遷六天陰官拔度沉魂制玄監舉鍊度
 朱陵太清降赤仙藥成真生身受度劫劫長
 存隨劫輪轉與天齊年永度三塗五苦八難
 超凌三界逍遙上清上清之天天帝妙玄無
 色之境梵行

東方八天
 玉岐英實天 帝伯戊景勳
 秀峯翠華天 帝眇玆叢池

寶林耀光天 帝芳霄宛驛
 真元靈紐天 帝冥成妙泝
 玄符顯靈天 帝聲啓元皇
 集瑞慶皇天 帝方稽生
 瑤瓊曠虛仙天 帝澤徽匠靈
 沈澗洞神靈天 帝道光仙
 南方八天
 陽台化景鍊真天 帝寶宣紀延
 南明洞陽天 帝劫章測神
 司爽治明天 帝護生極言
 檢真定層天 帝執機主民
 降赤大光天 帝嚴威四衝
 沖和總領天 帝化今正行
 溟无赤景天 帝奉皇玉尊
 變化定籍天 帝繼英皓定
 西方八天
 主福定生天 帝異都景陽
 素景耀靈天 帝臨觀典常
 闕闕瓊琳天 帝露澤順華
 西臺玉匣天 帝寶當元時

靈玉治方天 帝訊先求爽
 剛山頂龍天 帝奮光紫神
 七絕神虎天 帝力闢威京
 梵无金乘天 帝嚴幾靜山
 北方八天
 玄老海藏天 帝宅神岳羅
 龍光萬虛天 帝耀金燭剛
 雲營周華天 帝微玄部清
 慈徽洞啓贊天 帝絕崑珠
 瓊宮无極天 帝昭高瑤個
 蒼目化山天 帝拔方起雲
 京臺海穴天 帝濯上慈真
 五神泛洋君靈天 帝宛今西波
 三十二天三十二帝諸天隱諱諸天隱名天
 中空洞自然靈章諸天隱韻天中之青天中
 之尊天中之神大化真魔合變之靈九復於
 一十還於九九合十還素景生輝金無結滯
 與神同并神無礙壞鍊之即鮮耀光為澤共
 名火宮神金鼓治合會太清无量之真香不
 可詳數落三華普鍊神人今日欣逢化度歷

試諸天請降至妙大慶因緣飛步五辰名列
高玄真王監察拘制元關東斗授神西斗化
形北斗注籍南斗開生中斗黃華合景耀靈
三真之炁發為金英青帝執纒白帝御兵赤
帝守衛黑帝結凝黃帝演化萬道乃成蒼華

天王攝炁舉仙丹霄天王上炎流煙素景天
王開天召山玄耀天王通導百川混極天王
坐鎮崑山五天真玉葛神之宗飛行六合遊
宴天宮總炁耀靈敷散太空自號赫奕諸天
齊功上天鍊真同會明堂神王震威掃蕩不
祥青霞布天雷火炁張丹靈扇颯收滅遊光
域中火帥擲劍剛風騰耀萬里流鈴八衝敢
有干試拒抗三官玄鏡前戮神金後刑屠割
秋魁風火無停千千斬戮萬萬誅形邪無侵
犯保護生民六天九宮明檢鬼營不得怠縱
金馬交呈普告羅鄴無間溟泠三界大魔飛
章玉京

物烈以辨真動則成禮靜則晦溫神光變化
大復依金全體無變運轉飛輪負華震耀風
扇於明乃成大象皇極高潛元微大素金現
長庚紫融灌虛白章洞具流結五炁生育七
玄大洞消塵玉惠靈篇共敷至化天晶妙光
九龍大劫數極延康眇眇德劫混化堅剛五
炁為色玉精為淵風水相包泰極無邊黃臺
杳邈朱闕沉冥無形無影無極無窮鴻濛太
朴邊廓開生芒華流彩運度自然虛皇保劫
元素玉章丹景結璣大布青房赤耀至靈演
炁十方放斗歷冥回慶五常三垣化闕明列
元網八景赤文攝炁高玄玄中太真上帝飛
仙素景金霞噴誅洞虛耀靈綠羅交響雲與
玉音泛霄黃華執符紫清鬱岳轉翼元居金
為神液流貫蒼園千和萬合自然成真真中
至神南昌上靈通班元老安寶帝尊玄一九
輔司令真君簡閱生章變化飛根上遊清單
出入華源八冥之內細微之中下極重泉九
墨淵宮中治生民萬物混同十轉回靈與炁
俱仙仙道貴生元量度人上開八門耀景天

輪罪業業戒考校因緣普受關度死魂生身
身得受生上闕諸天諸天之上各有生門中
有升遷顯耀之章黃素靈篇辭來高真

第一素景顯妙飛空之音

太虛生至真 太空成有形 運轉無津涯

普育諸神靈 玄清化圓羅 混黃沉杳冥

錯謬散為物 沖和攝人倫 朗朗諸天境

持握生道根 蕩蕩大化基 八冥歸玉京

元始顯具妙 素景融神金 既悟重玄旨

合體通靈明 七祖升天堂 南昌朝帝尊

第二燿靈常照真王之章

五苦永解脫 天魔誅諸音 齊樂真王化

龍漢五劫何 丹光建元圖 大聖玄一帝

數落飛天書 高仙受天命 正道秘清都

洞章下玉京 靈光煥八隅 元尊示神變

億天戰藥珠 故以常明金 治鍊貪愛徒

神金真化炁 灌注度凡軀 明明無濁汚

玄精當不枯 燿靈玉景源 常照成空無

巍巍大慈尊 宣演開生符 妙微上清旨

真悟合玄虛 鍊炁登種民 玉篇從此敷

第三成道變化之歌

百魔樂沉溺 飛仙唯好生 神炁常堅完

三界無死生 既悟上清道 與化相順成

寔景常陽宮 東井滬天津 逍遙度剛風

三垣朝帝尊 茫茫大輪下 俯世何營營

一辨為虛空 浩劫焉有程 攜手誦大範

素景水清澄 運轉法輪綱 變化通神靈

東乘觀瀛羅 西崑眇長庚 使爾見真教

靈府長虛明 刻名玉真檢 削落艷泉名

振水凌太霄 稽首虛皇庭

此三界之上飛空之中飛仙歌音參洞章

誦之百徧名度南宮誦之千徧真王保迎萬

徧道備飛昇太空過度三界位登仙公有聞

靈音魔王殺形敷制地祇侍衛送迎拔出地

戶五苦八難七祖升遷永離冥關魂度朱陵

受鍊更生是謂无量普度無窮有秘上天文

諸天共所崇世慢墮地獄禍及七祖翁

道言此二章並是諸天上帝及至靈真王隱

秘之音發明至真妙本生元大神雖因元始

洞陽九鍊赤炁玄空真火以為明識覺了能

知之體殊不知堅固不壞經劫不變今古常

存湛然定觀金依无上清淨不動至大至剛

真金為質能生能動木風為助金風相耀遂

成炎景洞然而明名曰純一妙靈之炁為道

之玄與成立混沌生育三才無不由此兆若

體之瑩我靈根以自神力徧無窮界仙靈鬼

神人龍萬物自我陶鑄十方諸天不從外得

皆是大梵之言非世上常辭言無韻麗曲無

華究故謂玄與難可尋詳上天所寶秘於玄

都神寶玉清玉府東寶經室依科三萬七千

年應運下傳若有至人齋金寶質心依舊格

告盟道君然後而付焉

道言夫天地運度否終日月五星虧盈至聖

神人休否未學之夫疾傷此皆神炁內虧素

金不靈故耀空有待則制殃衰凡有此災同

炁皆當齋心修齋六時行香十徧轉經福德

立降消諸不祥无量之文普度無窮

道言夫未學道淺或仙品未充運應滅度身

經太陰臨過之時同學主人為其行香誦經

十過以度屍形如法素景還復耀靈更明魂

神徑上南宮隨其學功計日而得更生輪轉

不滅便得神仙

道言夫天地運終星宿錯度日月失昏四時

失度陰陽不調國土生災水火風劫疾毒流

行兆民死傷師友命過同學終亡皆當修齋

行香誦經夫齋戒誦經功德甚重上消天災

保鍊帝王下禳毒害以度兆民生死受賴其

福難勝故曰无量普度天人

道言凡有是經能為天地帝主兆民行是功

德有災之日發心修齋燒香誦經十過皆諸

天記名萬神侍衛右別至人克得為聖君金

關之臣諸天記人功過毫分無失天中真王

亦保舉爾身得道者乃當洞明至吉也

諸天中大梵隱語无量音 道君撰

元始素景耀靈玉篇

東方八天

壺都出陌 化揚八參 霞虛激躡

延訝沂泮 萬鍊栢宿 淇華幾欽

轉蘭彩望 晨精典尋 昭盈靈肆

溢卜真登 擊莊荷露 龍蛟指況
靜佐丞道 劉彬緒忱 程稼蕩單
里適逾金

南方八天

蓬整絕力 赫難志外 賓路尤趣

延需利理 琢華透方 儀奔汾郡

哲疆仙稀 珍異寔進 燎灘壘虞

色離獨應 杏坤陳歆 祕野桓定

角響救戮 陽山致信 風演孔雄

曆帝充仞

西方八天

素景真生 糾都佳萌 健納甲竺

誓攻本神 迓東獻威 相妃斬專

敬罷欽役 奴軍總雲 吉堂佃侶

至戈鼎煖 萬鑑獨持 化師九成

便良日辟 斗往岡生 浪恥達隨

珪山啓兵

北方八天

闡程缺遠 景生系郎 玄進紫玉

投遠趣光 董真摺靈 星倅箕羗

道履太幽 北昆香房 庇夜軍利

氏瑟齊邦 度潛倚霞 命旗洒藏

桑碧蟠首 洞玄辭皇 律濟魔丑

臺止質粹

道言此諸天中大梵隱語无量之音舊文刻

書玉臺西真素景之堂以開三辰之光太一

典經紫靈醮香元帝命神萬靈畫章目見口

言神金流剛舉天承地使兆慈良總持冥機

恍惚存亡鬼入神出變化無方帝之寶書豈

世所聞字皆廣長一丈天真皇人昔書其文

以為正音有知其音能齋而誦之者諸天皆

遣素景神王下觀其身言其功勳上奏諸天

萬神朝禮地祇侍門大勳魔王保舉上真道

備剋得遊行三界升入金門此音無所不辟

無所不攘無所不度無所不成天真自然之

音也故誦之致素景下觀上帝遙唱萬神朝

禮三界侍軒群袂東首鬼精自亡琳琅振響

十方瀟清河海靜默山嶽吞煙萬靈振伏招

集群仙天無氛穢地無秋塵冥懸洞清大量

玄玄也

元始无量度人上品妙經卷之十八

地八

十六